



Inatsisartunut ilaasortaq  
Hans Enoksen  
Siumut

**§ 37 nr. 062-mut atuartuunersiutit pillugit apeqquteqaammum akissuteqaat**

30-05-2013  
Sags nr. SJ-STD-KAOL  
Dok. nr. 1221204

Asasara Hans Enoksen

Naalakkersuisunut imatut apeqquteqaateqarsimavutit:

Postboks 1029  
3900 Nuuk  
Tlf: +299 34 50 00  
Fax +299 32 20 73  
Email: [iiknn@nanoq.gl](mailto:iiknn@nanoq.gl)  
[www.nanoq.gl](http://www.nanoq.gl)

***Meeqqat anginerit isertitakitsunik angajoqqaallit atuartuunersiutaat  
Naalakkersuisut eqquteqqinniarpaat?***

**Akissut:**Naalakkersuisut qujapput apeqquteqaaternut, Naalakkersuisut meeqqat atuarfiini atuartut anginerit isertitakittunik angajoqqaalinnut tapiiffiginneqqittalerniarnersut pillugu. Meeqqat atuarfiini atuartut anginerit qangalingaatsiaq tapiiffigineqartalernissaat aalajangiiffigineqarnikuuvoq, taamanikkut isumaginninnikkut inatsisit toqqammavigalugit, siunertaalluni angajoqqaat isertitakinnerusut meeqqat atuarfianni 10., 11. aamma 12. klassini atuartuutillit meerartaminnik atuartitsiinnarnissaat. Taamanikkut atuartut meeqqat atuarfiat qimassinnaasarpaat 9-klasse naammassigaangamikkul4-15-inik ukioqarlutik. Atuarfimiillu naammassinnittartut tassaallutik 17-18-ininik ukiullit, sulit meeqqat atuarfiannit inaarutaasumik misilitsissimanermut allagartartaaratik. Atuartut amerlasuut (eqqoriarlugu 20-25 % miss. ukioqatigiaani) meeqqat atuarfiat qimattarpaat atuarnertik naammassinagu, meeqqat atuarfiannit inaarutaasumik misilitsissimanatik.

Tamatuma kingorna meeqqat atuartussaataitanerat ukiuni 10-ni pisartussatut annertusaavigineqarpoq. Tamatuma kingunerisaanik atuartut tamarluinnangajammik, immikkut atuartinneqartariaqartartut eqqaassanngikkaanni, meeqqat atuarfianni inaarutaasumik misilitsissimallutik atuarunnaarterput 16-inik ukioqarlutik. Tassa imaappoq inatsisip siunertaa tassuunakkut piviusunngortinneqareerpoq, atuartut meeqqat atuarfiat naammassitserlugu tigummineqartarlutik.

Naalackersuisut misissorumavaat, naleqquttuunersoq inatsit eqquteqqissallugu meeqqat atuarfiini angajullerni atuartunut tapiissuteqartarneq taamanitut isikkoqartillugu imaluunniit naleqqunnerunersoq periarfissanik allanik nassaarnissaq qanoq ilaqtariit meerartallit inuuniarnermikkut inissinnerloqqasunut tapersersuinissaq isumaginninnikkut inatsit malillugu.

Akissuteqaat manna Ilaqtariinnermut Naalackersuisoqarfimmut tusarniaassutigineqarsimavoq.

Inussiarnersumik inuulluaqqusillunga



Nick Nielsen